

adulterium à se repellat & alias ducunt. Thomas de Vio Cardinalis, vulgo Cajetanus appellatus, hanc Erasmi sententiam multis in locis amplectitur, præsertim in commentariis, super Matthæi 19. & Marci 10. & primæ ad Corinthios 7. Et quantum ego conjicere possum, omnia quæ Cajetanus pro hac sententia afferit, accepit ex Erasmi annotationibus, sicut in aliis multis quæ super novum testamentum dixit, est illum secutus: in quibus multo prudentius egisset, si longe ab illo discessisset. In hac tamen sententia aliqua prudentia plus est. Nam super caput 19. Matthæi hæc ait: Intellego igitur ex hac Domini nostri Jesu Christi lege, licitum esse Christiano dimittere uxorem ob fornicationem carnalem ipsius uxoris, & posse ducere aliam uxorem, salva semper Ecclesiæ definitione, quæ hæcenus non apparet. Nam decretales Pontificis de hac materia non sunt distinctivæ fidei, sed judiciales facti. Profertur autem ipsæ, Pontifices, (ut patet in capite Quæstionum De divorciis, & in capite licet De sponsa duorum) Romanos Pontifices, aliquando in his judiciis matrimoniorum errasse. Hæc Cajetanus. In quibus verbis Ecclesiæ definitioni se subdens prudenter egit: sed dicens nullam esse hæcenus ab Ecclesia datam de hac re definitionem, deceptus est: quoniam apertissime de hac re fuit data in Concilio Florentino definitio, quam postea proferemus, & constat ipsa esse definitioem fidei, & non judicalem facti, sicut alia quæ sunt in volumine decretalium. Ambrosius Catharinus Sententis ordinis Sancti Dominici, quum multas prædicti Cajetani sententias nigro carbone notasset, quasdam illarum appellans hæreticas, quasdam vero erroneas, hanc tamen de integro divorcio propter adulterium concessio, intactam reliquit, cum aliquas alias multo justius relinquere potuisset, quas immerito durissima censura notavit. De qua re, cum multi admirarentur, in secunda additione illius operis quod contra Cajetanum scripsit, hujus omissionis aut taciturnitatis causam reddidit, sic dicens: De dimissione uxoris ex causa adulterii, audio miraros esse nonnullos, quod in prima annotationum mearum additione minime hanc articulum tetigi, cum fuisset in hoc ipse Cajetanus taxatus, quod putari ex adulterii causa dissolvi matrimonium, non solum quantum ad thorum, sed etiam quantum ad vinculum. Ut ergo admirationem omnium auferam, causam taciturnitatis meæ libere profiteram. Ego non in hominem styllum acui, sed in doctrinam, ubi videbatur annotatio digna. Neque enim poteram prudenter reprehendere, quod nesciebam etiam idonee confutare. Non quod probem ausum hominis contra omnes, sed quod nonnullum hujus ausus occasionem habere visus est mihi, ut non sim ausus ego illum reprehendere hoc in loco. Non autem me latebat recentiorum Theologorum, immo ab Augustino usque ad novissimum nostri temporis communem esse sententiam, quod in casu jam posito, matrimonium non omnino solvitur, id est ad vinculum. Quæ opinio ab ipso Augustino, qui merito viri magnæ auctoritatis semper fuit, visa est firmiores radices egisse. Hæcenus Ambrosius Catharinus. Et post hæc verba statim addit argumenta quibus sententiam Cajetani infirmare videtur, & dicit sibi videri tam fortia, ut nesciat quomodo possit illis bene responderi. Hæc autem omnia argumenta ante ipsam Catharinum protulerat Erasmus, in suis annotationibus super septimum caput prioris epistolæ ad Corinthios. Et hinc ego conjicio, omnes qui hoc nostro seculo hanc sententiam docent ex annotationibus Erasmi sumptissime sui erroris occasionem. Sed licet Catharinus in hac sententiam fuisse proptus, & sententiam ipsam convincamus esse hæreticam, non tamen ob hoc illo venit de crimine hæreticus notandus, qui iudicio Ecclesiæ se plene in hac parte subiecit, sic dicens: Scio, quod aliter docent hæc universales scholæ. Et ego cum illis sentio, si ex fide cogor, & captivum reddo intellectum meum. Hæc Catharinus. Contra hæc doctrinam acriter pugnavit, ut aperte convincamus illam esse hæreticam, nec alii per illam decepti in peccatum præcipites manent. Nam in regnum Angliæ ingressus cum Philippo Hispaniarum Principe, qui in concionibus publicis sermonebat, qui ego venit ut Mariam Angliæ Reginam regni que Dominam duceret uxorem, audivi multos esse in illo regno, non solum ex plebeis hominibus, sed etiam ex nobilibus familia, qui uxores proprias propter illarum adulteria à suo conjugio repulerant, & alias in uxores duxerant. Sed postquam regnum illud per sollicitudinem & persuasionem Philippi & Mariæ Regum ad fidem Christi, & unicum Ecclesiæ revocatum est, namquam hujusmodi divorcia fuerunt permissa.

Ad convincendam hanc sententiam, quæ dicit licitam esse divorcium quoad vinculum propter adulterium committum, sufficere mihi videntur verba quæ de hac re Salvator noster apud Marcum & Lucam ait, cap. 10. Nam apud Marcum hæc ait: *Quicumque dimiserit uxorem suam & aliam duxerit, adulterium committit super eam. Et si mulier dimiserit virum suum, & aliam nupsit, moechatur.* Apud Lucam cap. 16. hæc sunt Christi verba. *Omnis qui dimittit uxorem suam & alteram ducit, moechatur: & qui dimissam à viro ducit, moechatur.* In quibus verbis id potissimum annotare oportet, quod generaliter, & sine ulla exceptione causæ fornicationis, verba illa dicta sunt. Ex quibus verbis apertissime colligitur, quod etiam existente adulterio uxoris, non licet viro ab illa sic discedere, ut alteram ducat uxorem, quia adulterium, ut Marcus ait, tunc committit super eam. Et certe Augustinus, libro primo de adulterinis conjugii capite nono, censet optime convinci ex verbis Marci & Lucæ, vitum priore uxore vivente, non posse aliam ducere postquam priorem propter illius adulterium repudiavit. Sed forte adversarii nostri dicent: Verba illa quæ sunt apud Marcum & Lucam esse interpretanda cum exceptione causæ fornicationis, quia illam exceptionem posuit Matthæus. Sepe enim est necessarium, verba unius Evangelistæ per verba alterius interpretari, ut facilius dissonantia, quæ ex verbis illorum oriri videtur, ad consonantiam reducat. Fateor quidem sepe unum Evangelistam esse per alium interpretandum, quando unus cum altero pugnare videtur: sed hic nulla est vel facialis discordia, inter Matthæum & alios duos Marcum & Lucam. Et si aliqua esset inter illos apparens discordia, non est aliqua evidens ratio, quæ convincat, Marcum & Lucam inter se concordos potius esse interpretandos per verba Matthæi, quam e contrario Matthæum per verba Marci & Lucæ. Sed his omnis volo ostendere nullam esse inter hos tres Evangelistas vel apparentem aliquam in hac parte discordiam. Ut autem hoc apertissimum faciam, duo sunt in illorum verbis potissimum consideranda. Primum est quod Marcus & Lucas duo addunt simul, videlicet dimittere uxorem & aliam ducere, quæ si quis fecerit, dicunt esse sententia Salvatoris illum esse adulterum aut moechum. Matthæus autem cum bis de hac re differat, ut puta quinto capite, & postea decimonono, in solo cap. 19. illa duo conjunxit, & de illo ibidem loquitur, qui uxorem dimiserit, & aliam

post primam repulsum duxerit. De hoc ergo loquens, & universalem de hujusmodi hominibus proferens sententiam, exceptionem addidit, postquam solum unum ex illis duobus expresserat, videlicet dimissionem uxoris, & non postquam expresserat illa duo, quæ sunt dimissio uxoris & inductio alterius. Sic enunciat Matthæus. *Quicumque dimiserit uxorem suam, nisi ob fornicationem, & aliam duxerit, moechatur.* Ex quibus verbis, constat, Matthæum nullam ponere exceptionem in illo qui post dimissionem uxorem, aliam duxerit, de quo solo locuti sunt Marcus & Lucas: sed ponit exceptionem in illo qui solum dimisit uxorem. Matthæus ergo, & si universalem proferit sententiam, aliqua tamen ex parte illam limitat atque restringit ad illum, qui non propter fornicationem dimisit uxorem, & de illo qui sic dimittit, & aliam ducit, Matthæus dicit illum esse adulterum. Marcus autem & Lucas generaliter de omni viro locuti sunt, qui quovis modo uxorem suam dimittit & postea aliam ducit: & omnem talem dicunt esse adulterum. Non igitur oportet in verbis Marci & Lucæ illam inserere exceptionem de causâ fornicationis, quam posuit Matthæus, & si quis illam inserendam esse contenderit, in illo eodem loco illam collocare debet, in quo illam collocavit Matthæus, ut solum excipiat à parte priori & non à posteriori. Et tunc illa exceptio inserta, etiam erit in Marco & Luca sententia limitata, prout est in Matthæo. Sed melius est dicere, quod in Marco & Luca sit generalis sententia, in Matthæo autem limitata. Nam ita docet Augustinus libro secundo de adulterinis conjugii, capite nono, hæc dicens. „Quamvis enim sceleratus moechatur qui non causa fornicationis uxore dimissa, alteram duxerit, quod genus adulterii commemorat Matthæus cap. 19. tamen non solum ipse moechatur, sed sicut est apud Marcum cap. 10. *Quicumque dimiserit, uxorem suam & aliam duxerit, adulterium committit super eam, & si uxor dimiserit virum suum, & aliam nupsit, moechatur.* apud Lucam cap. 16. *Omnis qui dimittit uxorem suam & ducit alteram, moechatur: & qui dimissam à viro duxerit, moechatur.* De quibus testimoniis jam satis in libro superiore differui. Hæc Augustinus. In quibus verbis id annotare oportet, quod illa verba Matthæi, nisi ob fornicationem, Augustinus non dicit esse exceptionem, sed quandam limitationem aut restrictionem, quæ perinde est ac si dixisset, non in causa fornicationis, aut sine causa fornicationis, aut non propter fornicationem. Ea juxta hanc interpretationem, quam Augustinus ante ista verba magis expresserat, non sequitur ex verbis Matthæi quod dimittens propter fornicationem, & aliam ducens non moechatur. Catharino tamen in illis suis annotationibus contra Cajetanum, non placet hæc Augustini interpretatio, quia dicit quod tunc superfluerent illa verba in Matthæo, non propter fornicationem, si eadem is qui propter fornicationem dimittit, moechatur. Sed si bene omnia circumspectantur, quæ sunt in verbis Matthæi cap. 19. nihil profus valet argumentum Catharini contra interpretationem Augustini, quia licet verum sit quod is qui propter fornicationem uxoris suæ illam dimittit, & aliam ducit, moechatur: non tamen inde sequitur, quod illa verba, non propter fornicationem, sint superflua, addita in illis verbis Matthæi: *Quicumque dimiserit uxorem suam, non propter fornicationem, & aliam duxerit, moechatur.* Nam Matthæus illa verba addidit, ut per illa ostenderet fornicationem uxoris, causam esse sufficientem ad dimittendum uxorem quoad thorum. Hæc tamen dixi,

in gratiam Augustini, ut illum à Catharino defenderem, qui mihi visus est sine causa illum oppugnasse. Sed præter hæc Augustini expositionem, quæ optime defendi potest, ego censéo illa verba Matthæi aliter, & forte melius, nisi mearum rerum me salutarior, posse intelligi. Ut tamen hoc apertius facere possim, est aliqua prius in Matthæo solo considerandum, & diligenter annotandum, quod mea quidem sententia, maxime juvat ad veram hujus rei intelligentiam, quamavis à nemine hæcenus illud annotatum esse scio. Matthæus quidem ibi de divorcio viri & uxoris differuit, videlicet cap. 5. & cap. 19. Sed illa quæ cap. 5. dixit, longissime distat ab illis quæ postea dixit cap. 19. Verba quæ habentur cap. 5. sunt ista: *Omnis qui dimiserit uxorem, excepta fornicationis causa, facit eam moechari, & qui dimissam duxerit, adulterat.* Quæ autem habentur cap. 19. hæc sunt: *Quicumque dimiserit uxorem suam, nisi ob fornicationem, & aliam duxerit, moechatur: & qui dimissam duxerit, moechatur.* Inter hæc verba magnum re vera est discrimen in duobus locis. Primo quidem in illis verbis quæ habentur cap. 19. ponuntur hæc verba, *& aliam duxerit*, & illa etiam referunt Marcus & Lucas, quæ tamen non dicuntur à Matthæo cap. 5. Deinde in cap. 19. dicit Matthæus illum moechari qui dimissionem uxorem suam, nisi ob fornicationem & aliam duxerit. At in cap. 5. non dicit illum moechari, qui dimissionem uxorem suam, excepta causa fornicationis, sed solum dicit, quod facit uxorem suam moechari. Constat autem non esse eundem, aliquem moechari, & facere uxorem suam moechari, sed magnum esse, inter illa duo discrimen. Nam potest aliquis facere uxorem moechari, quamvis ipse non moechetur: potest etiam e contrario aliquis moechari, licet ipse non faciat uxorem suam moechari. Si quis enim ab uxore sua, quam novit ardentem coitum viri appetere, longo & diu absens, castitatem servaret, quam uxor propter solam viri sui absentiam violaret, ille non vere diceretur moechari, & tamen vere diceretur quod faceret uxorem suam moechari. Nam facere uxorem suam moechari, nihil aliud est nisi præbere uxori occasionem ad moechandum. Si etiam aliquis uxorem suam, & continentem habens, & cum illa cohabitans alteri femine uxore ignota, violenter misceretur, ille vere moecharetur, nec tamen uxorem suam faceret moechari. Cum igitur tanta sit differentia inter moechari & facere uxorem suam moechari, oportet ut diversæ etiam sint personarum conditiones, diversaque illorum opera, propter quæ tam distincte contra illos profertur sententia. Et ex hac rerum & personarum differentia convincitur aperte, Matthæum utrobique locutum fuisse de dimissione uxoris solum quoad thorum, & non quoad vinculum, quod adversarii nostri negant, & inde sui erroris occasionem accipiunt. Is enim qui moechari facit uxorem suam, sed non censetur moechari, de quo loquitur Matthæus in cap. 5. est ille qui uxorem dimittit, sed nondum alteram duxit. Et inde convincitur apertissime, Matthæum capite quinto locutum esse de dimissione uxoris, quoad solum thorum, & non quoad vinculum, quia nullus in lege Evangelica, etiam secundum adversariorum opinionem, potest integre ostendere se dimittere viventem uxorem quoad vinculum, nisi quando alteram uxorem ducit. Nam postquam illam separavit à thoro, & eiecit à societate & cohabitatione sua, adhuc potest facti præterire, & illam ad se revocare, & illi reconciliari, ut aperte docet Paulus in priore ad Corinthios epistola cap. 7. Si autem vir illam sibi reconciliari velit, non est opus, novum inter illos contrahere matri-

hoc videtur, & inimicam fidei Christianae, cum ab initio una coeta in unum fecimam sit conversa, & scriptura divina testetur, quod propter hoc relinquet homo patrem & matrem, & adheret uxori suae, & erunt duo in carne una. Non dixit tres vel plures, sed duo. Nec dixit, adheret uxori- bus, sed uxori. Et aliquibus interpositis, eandem sententiam alio testimonio probat, sic inquit: Sane veridica haec sententia probatur etiam de testimonio veritatis testantis in Evangelio. Quicumque dimiserit uxorem suam ob fornicationem, & aliam duxerit, moechatur. Si ergo uxore dimissa, duci alia de jure non potest, fortius & ipsa retenta. Per quod evidenter apparet pluralitatem in utroque sexu, cum non ad imparia judicentur, circa matrimonium reprobandum. Haec Innocentius, & habentur in capite, Gaudemus, de divortio. Sed hoc ultimum argumentum, quod ex testimonio Christi Innocentius formavit, Cajetanus ipse parvi momenti esse putat, propterea quod ille, ut in proxime sequenti haeresi dicemus, docet, virum qui uxorem adulteram dimisit, posse alteram ducere uxorem. Negat igitur Cajetanus antecedens illius argumentationis quam Innocentius formavit dicens: Si ergo uxore dimissa duci alia de jure non potest, fortius & ipsa retenta. Et ne quis suspicetur me falso tribuere Cajetano, quod ille nihil fecerit praedictum Innocentii argumentum, verba ejusdem Cajetani referam, quae ille in commentariis super. 19. caput. Matthaei dicit, & sunt quae sequuntur. Adverte quod hinc Innocentius tertius extra de divortio, capite Gaudemus, accipit quod non licet habere plures uxores. Nam si liceret habere plures uxores, qui dimissa fornicaria acciperet aliam, non moecharetur, sed conjugio cum secunda uteretur, in textu autem dicitur quod moechatur. Et nisi Marcus apposuisset in eam, serupulo careret argumentum Innocentii. Haec Cajetanus: In quibus verbis aperte docet argumentum Innocentii esse invalidum. Et in illis verbis, ut mihi videtur, aperitissime ostendit Cajetanus se sentire, non esse lege divina prohibitum, duas simul habere uxores. Sunt adhuc alia scripturae sacrae testimonia ad reprobandam pluralitatem uxorum, praeter illa quae Innocentius tertius in illo capite Gaudemus, citat. Nam illud est manifestum quod Paulus in priora ad Corinthios epistola cap. 7. ait: *Unusquisque suam uxorem habeat propter fornicationem, & unaqueque suum virum.* In quibus verbis duo annoranda sunt. Primum est, quod unicuique unam tantum concedit uxorem, non plures. Suam enim dixit, non suas. Alterum est quod dicit propriam uxorem, & propriam aut suam virum. Nihil autem potest vere esse proprium alicui, nisi illi singularem, & nulli alteri communem in ea re habuerit possessionem, quia si multi illam possident, neutri erit propria. Et inde aperitissime convincitur, ut si vir habeat plures uxores, nulla illarum propriam habeat virum. Paulus tamen dicit quod unaqueque suam habeat virum. Praeterea Christus unam tantum habet sponsam, videlicet Ecclesiam: ergo nemini licet duas simul habere uxores. Collectio ista inde constat esse bona, quia matrimonium sacramentum est, significans conjunctionem Christi cum Ecclesia, quod (ut credo) Cajetanus ipse non negabit, oportet igitur ut signum sit conformae signato, & sic necesse erit virum unam tantum habere uxorem, prout Christus unam habet sponsam, videlicet Ecclesiam. His omnibus bene consideratis, non possum non mirari, quod Cajetanus, ausus sit dicere, legem de unitate uxoris non esse in libris canonicis scriptam, cum Christus Salvator noster (prout verba illius

Hieronymus, Chrysostomus, Theophylactus, & Innocentius interpretantur) aperitissime docuerit, legem illam a principio conditionis humanae datam a Deo fuisse, & in libro Genesis scriptam. Deinde, multo magis miror, quod dicat, hanc esse omnium Theologorum sententiam. Numquid forte censet Hieronymum, Chrysostomum, Theophylactum, & Innocentium non fuisse Theologos? Si hos omnes extra Theologorum familiam relegare contendit, nescio quos verius possit appellare Theologos. Suspicio tamen illum nomine Theologorum solos scholasticos intellexisse. Sed quamvis de illis solis fuerit locutus, falsum erit quod dixit, illos asserere legem de unitate uxoris non esse in libris canonicis scriptam. Nam ut a primo illorum dace exordiar, Petrus Lombardus qui magistri sententiarum nomen obtinuit, in quarto libro Sententiarum, distinctione trigesima tertia aperitissime docet pluralitatem uxorum esse lege divina prohibitam, & pro hac sententia citat illa verba Genesis: *Adheret homo uxori suae, & erunt duo in carne una.* Sanctus Bonaventura in quarto sententiarum in eadem distinctione trigesimalertia, quaestione secunda, querens, an sit contra legem naturae quod unus habeat plures uxores, respondet per haec verba: *Si ius naturale dicitur quod in Lege & in Evangelio scribitur, sic ius naturale est quod sit una unus.* Et erunt, inquit, duo in carne una, tam in veteri quam in novo testamento. Haec ille. Idem profus assentit Richardus de media villa, in 4. sententiarum, eadem dist. 33. quaest. 1. Potuissent plures scholasticos Theologos pro hac sententia citare, sed prudens omisit causa prohibitoris vitandae, quia hi satis sunt ad convincendum non esse verum quod Cajetanus ait, Theologos dicere legem de unitate uxoris non esse in libris canonicis scriptam. Quod autem beatus Thomas dixit, legem de unitate uxoris quamvis fuerit divinitus instituta, non tamen esse verbo aut literis traditam, sed cordi impressam: credo illum propterea illud dixisse, quod talis lex non est aperta & manifesta verborum forma, prout legem decet in facris literis positam: quod verissimum esse credo. Numquam enim in facris literis habetur haec propria aut alia tam aperta verba. Nullas vir possit habere plures uxores. Sed haec sententia colligitur ex aliis sacrae scripturae verbis. Ut autem aliquid vere dicatur lex, oportet aperte declarari & non sub involucribus. Superest jam ut respondeamus argumentis quae nobis obijciunt Anabaptistae, ad probandum licitam esse pluralitatem uxorum. Obijciunt enim nobis exempla sanctorum Patrum quorum aliqui videlicet Abraham, & Jacob plures uxores habuerunt. Fatemur quidem viros illos, plures quam unam simul habuisse uxores, sed huic objectioni, optime respondet beatus Augustinus, nec ego aliud respondere decrevi, nisi id solum quod ille responderet in libro De bono conjugali capite 13. sic inquit: *Illis temporibus, quum adhuc prophetica Sacramenta salutis nostrae, mysterium velabatur, etiam qui ante nuptias tales erant, officio propagandi nuptias copulabant. Non vidi libidine, sed ducti pietate, quibus si optio talis daretur, qualis revelato novo testamento data est, dicente Domino, Qui potest capere, capiat: non eos dubitat etiam susceperunt fuisse, qui diligerent intentus legit quomodo, do conjugibus utebantur, cum & plures habere vni videro licebat: quas castius habebant, quam nunc unam qui libet istorum, quibus videmus quid secundum veniam, concedat Apollolus. Habebant enim eas in opere generandi, non in morbo desiderii, sicut gentes quae ignorant* Deum.

Deum. Haec Augustinus. Et cap. 15. iterum aperit pro illis Patriarchis respondet, sic inquit: *Non est enim tunc propagandi necessitas quae tunc fuerat, quando & parentibus conjugibus alias propter copiosiores posteritatem superacere licebat, quod nunc certe non licet. Nam tantum adest opportunitas ad aliquod iuste agendum sive non agendum temporum secreta distinctio, ut nunc melius faciat, qui nec unam duxerit, nisi se continere non possit. Tunc autem etiam plures inculpabiliter ducebant, & qui se multo facilius continere possent, nisi aliud pietas illo tempore postulare. Haec tunc Augustinus, qui aperte docet aliam valde diversam esse hoc tempore sub novo testamento matrimonii rationem, & longe aliam in tempore praeterito quando vetus testamentum plenam habebat virtutem & efficaciam. Nam sicut pro varietate temporum statuta etiam humana variantur, ita Deus pro varietate temporum, varias condidit leges, & varias etiam ejusdem legis fecit dispensationes. Ab initio enim mundi (ut Salvator noster ait) masculum & feminam fecit eos Deus, & matrimonium inter solos duos constituit, ut essent tantum duo, & non plures, in carne una. Et si illi primi parentes in iustitia perseverassent, semper in toto tempore successit matrimonium inter duos tantum, prout a principio conditum erat, celebraretur. At cum postea hominum malitia adeo crevissent, ut fere omnes idolis serviret & falsos deos coleret, paucissimi in cultu Dei permanentibus, decrevit Deus viros servos suos pluribus feminis per matrimonium copulare, ut cultores veri Dei multiplicarentur, & sic Angelorum ruinae citius repararentur. Benigne igitur in hac dispensatione fecit Deus in bona voluntate sua cum humano genere, ut sic cito ex hominibus tamquam ex vivis lapidibus redificaret muros caelestis Hierusalem, qui peccantibus Angelis rupti fuerant. Innocentius tertius in illo cap. Gaudemus, De divortio dicit illos sanctos Patriarchas plures accepisse uxores propter revelationem divinam de hoc illis factam. Secundo nobis obijciunt Anabaptistae, & possent etiam pro se obijcere Cajetanus, id quod Augustinus in libro De virginibus ait. Antiquis iustis non fuit peccatum, quod pluribus feminis utebantur, nec contra naturam hoc faciebant, cum non lasciviendi causa, sed gignendi hoc facerent: nec contra morem, quia eo tempore ea fiebant, nec contra praecipuum, quia nulla lege erat prohibitum. Haec Augustinus. Ex quibus duo sunt quae contra nos militare videntur. Primum est quod tunc fuit mos plures habendi uxores. Alterum est quod mos ille nulla erat lege prohibitus. Sed his duobus respondeo, prout Sanctus Bonaventura in loco proxime citato respondet, quod mos ille tunc erat non sola hominum, sed etiam Dei sententia & dispensatione approbatus. Quod autem Augustinus ait morem illum non fuisse lege aliqua prohibitum, S. Bonaventura interpretatur, de lege scripta. Et recte quidem interpretatur, quia ante legem Moyli fuerunt illi patres qui ex dispensatione plures simul habuerunt uxores, eo scilicet tempore, quo nulla erat scripta divina lex. Tertio potest obijci contra hanc nostram & Catholicam sententiam de unitate uxoris, quod in lege Moisaica fuit non solum aliquibus particularibus personis, sed omnibus concessum duas simul habere uxores. Nam Moyses in Deuteronomio cap. 21. dixit. *Si habuerit homo uxores duas, unam dilectam & alteram odiosam, genueritque ex eis liberos, & fuerit filius odiosa primogenitus, volueritque substantiam inter filios dividere, non poterit filium dilectae facere primogenitum & praeferrere filio odiosa, sed filium odiosum.* Tom. I.*

se agnoscat primogenitum, dabique ei de his quae habuerit aequalia duplia. In quibus verbis lex aperitissime praesupponit virum posse duas simul habere uxores: quia si hoc non esset homini concessum, lex nihil statueret de filiis duarum uxorum: quia tunc altera earum non esset vera uxor. Haec argumento respondeo, quod si bene aspiciantur verba praedictae legis, aperte cognoscitur nihil profus illam contra nos dicere. Non enim dicitur lex illa verbo praesentis temporis, sic dicens: *Si habet homo uxores duas: sed videtur verbo praeteriti temporis, sic dicens: Si habuerit homo uxores duas.* Ex quo verborum tenore solum colligitur post hominem duas successively habere uxores, non tamen ambas simul. Concesserat quidem lex homini, ut posset dare libellum repudii uxori, quam habuisset uxorem, & alteram ducere. Ne autem vir odium, quod contra priorem uxorem conceperat, deserviret etiam ad filium illius, ita ut illum primogenitura privaret, lex praedicta statuit primogenituram fore semper firmam penes filium prioris uxoris. Loquitur igitur lex de duabus uxoribus, quas successively vir habuit, non autem de duabus simul recentis, quia hoc nunquam lex concessit. Quinta haeresis est quae docet nuptiarum foedus & vinculum posse pro conjugum arbitrio dissolvi. Hujus haeresis auctor fuit Montanus, a quo orti Cataphryges, quamquam Augustinus de Cataphrygibus loquens, hoc loco de hoc Montano differit, nihil tamen illi impingit: nec Philaster hunc errorem tribuit Montano, sed Busebius in libro quinto historiae Ecclesiasticae, capite decimo octavo refert Montanum ita sentisse. Hinc eundem errorem tulerunt Graeci & Armeni, si Guido in Carmelinae credimus qui in suo libro de haeresibus, huic inter illorum errores recenset. Eundem errorem videtur docuisse Priscillianus, quoniam ad hunc sensum proprius accedunt quae de illo refert beatus Augustinus in libro de haeresibus. Pseudoapostoli docuerunt viros, ut relictis uxoribus, & uxores relictis viris ad ipsorum sectam & ordinem transirent, dicentes conjugia posse dissolvi pro illorum secta suscipienda & tuenda. Ita enim de Pseudoapostolis scribit Nicolaus Eimerici. Guido tamen hujus erroris non meminit etiam cum Pseudoapostolorum errores recenset. Post istos omnes hoc nostro saeculo surrexerunt quidam suae prudentiae innitentes, & volentes sapere plusquam oportet, qui esse non concedunt matrimonium pro conjugum arbitrio posse dissolvi, dicunt tamen propter adulterium vinculum matrimonii sic dissolvi, ut ex lege divina liberum sit viro innocenti illam profus relinquere, & aliam uxorem ducere. Hanc sententiam docet Erasmus Rotherodamus in annotationibus super novum testamentum in septimo capite prioris epistolae ad Corinthios, ubi modum & limites annotationis excedens, satis prolixam facit de hac re disputationem, & dicit ex lege tantum humana & non divina, prohibitum esse viro innocenti, ejus uxorem adulterium commisit, ne alteram possit ducere uxorem, quamvis possit adulteram a thoro suo, & suo domicilio repellere. Dicit enim legem Evangelicam concedere hujusmodi viro liberam potestatem ducendi aliam uxorem, perinde ac repellendi ad alteram. Deinde dicit duram nimis & inquam esse legem humanam, quae hanc potestatem ducendi aliam uxorem abstulit a viro innocente, & persuadere nititur ut talis lex profus abrogetur. Lutherus ex annotationibus Erasmi, ut ego suspicor, edoctus, hanc eandem post Erasmus docuit sententiam. Et juxta illius doctrinam, audivi, multi in Germania uxores suas propter adul-

101. docuit. Deinde beatus Petrus aperitissime hanc sententiam docet, sic inquit: (1. Petr. 3.) *Advenit autem dies Domini ut sur, in quo cæli magno impetu transibunt, elementa vero calore solventur, terra autem & quæ in ipsa sunt opera exurentur. Quam igitur hæc omnia dissolvenda sunt, quales oportet nos esse in sanctis conversationibus & pietatibus, expectantes & properantes in adventum domini per quem cæli ardentes solventur, & elementa ignis ardore tabescent. Novos enim cælos & novam terram & promissa ipsius expectamus.* Hæc beatus Petrus Apostolus. Quæ illius verba tam aperte hanc hæresim oppugnant, ut non sit opus pluribus testimoniis ad illam revincendam. Verum aliqua indigent interpretatione hæc verba, præsertim ab eo loco ubi ait: *Cæli ardentes solventur.* Quæ verba non de illis cælis, in quibus Sol & Luna & reliqua astra sunt fixa, qui à nobis remotissimi sunt, debent intelligi, sed de cælo isto inferiori, quæ aeris regio dicitur, sunt accipienda. Nam de illis superioribus cælis, an sint calore solvendi, Augustinus dubitat, qui super Psalmum 101. pertractans hæc beati Petri verba ita ait: „ Jam ergo dixit perisse cæcos, los per diluvium; perisse autem, novimus cæcos secundum quantitatem & spatia aeris hujus. Excrevit enim aqua, & totam istam capacitatem ubi aves volitant, occupavit: ac sic utique cæci perierunt propinqui terris, cæci secundum quod dicuntur aves cæci. Sunt autem & cæci cælorum superiores in firmamento: sed utrum ipsi perituri sint igne, an hi soli cæli qui etiam diluvio

perierunt, disceptatio est aliquanto sero pullosior inter doctos, nec facile (maxime in angustia temporis) explicari potest. Dimittamus ergo eam, vel differamus: noverimus tamen petire ista, Deum manere. Hæc enim Augustinus: Juxta cujus sententiam constât cælos pro ære sumi eo loco, quo beatus Petrus dixit: *Cæli ardentes solventur.* Quam tamen infra Petrus subjungit: *Novos vero cælos & novam terram & promissa ipsius expectamus:* ibi cælos pro illis etiam qui sursum sunt à nobis remotissimi, intelligere possumus, quoniam illi etiam juxta vaticinium Esaiæ mutabuntur in melius. Et erit, inquit ille cap. 30. *Lux Luna sicut lux Solis, & lux Solis erit septemplex, sicut lux septem dierum, in die qua alligaverit Dominus vulnus populi sui, & percussuram plagam savenit.* Et juxta hanc cælorum significationem beatus Hieronymus interpretatur aliqd Esaiæ vaticinium cap. 56. quo ait: *Ecce enim ego creo cælos novos & terram novam: & non erunt in memoria priora.* Ex juxta eandem significationem accipiendum est quod in Apocalypsi cap. 21. dicitur: *Vidi cælum novum, & terram novam.* Nova omnia dicit, non quod alia sint, sed quia in melius omnia mutata: quemadmodum ex Hieronimi sententia supra docuimus. Et quidem pro hac re abunde me dixisse arbitror. Non enim opus est in se aperitissima testimoniiorum multitudo gravare lectorem, præsertim cum nulum hujus hæresis agnoscimus patronum, quem devincere oporteat.

FINIS LIBRI DECIMI

F. ALFONSI DE CASTRO, ZAMOREN.

Minoritæ, adversus Hæreses.

IN LIBRUM UNDECIMUM.

PRÆFATIO.

HOC loco eadem lege oportebit nos uti, qua supra libro septimo usi sumus, quoniam hæc littera N. adeo sterilis est ut vix duo sint dictiones ab illa initium sumentes, quæ talem rem significant, de qua aliqua sit hæresis orta: quapropter cum dictiones ab hac littera incipientes non sufficiant ad unum vel mediocri quantitatis librum absolvendum, conjungemus illis dictiones à sequenti littera incipientes.



F. ALFONSI DE CASTRO

ZAMOREN. MINORITÆ.

ADVERSUS HÆRESES.

LIBER UNDECIMUS.

NUDITAS.



UIT hæresis quorundam dicentium nuditatem esse bonam & honestam. Hanc errorem temerè quidam dicit Adamiani, sic dicit, quia nuditatem quam Adam in paradiso habuit ante peccatum, imitari nudi obambulabant, nudi lectiones audiebant, nudi orabant, nudi celebrabant Sacramenta: & propter hoc suam Ecclesiam, hoc est, suam congregationem, appellabant paradysum.

Hi hæretici effrontes & inverecundi, estis Adæ nuditatem in paradiso imitentur, illius tamen innocentiam non servant, immo peccatum illius augent, quoniam libenter ante peccatum Adam & Eva fuissent nudi, post peccatum tamen, ut ait scriptura, (Genes. 3.) *fecerunt sibi perizoniata, & Deus fecit illis tunicas pelliceas.* Et longo tempore postea statuit populo Israel quoddam genus vestimentari, per quod ab aliis nationibus distinguerentur. (Deut. 22.) Et Sacerdos ex Dei præcepto peculiare habebat vestimentum cum offerre debebat, & intrare in Sancta Sanctorum. (Exod. 39.) Demum, ipse veritatis magister, qui viam Dei in veritate docuit verbo & exemplo, vestimenta habuit, quorum unum fuit tunica inconcussilis desuper contexta per totum. (Joan. 19.)

N U P T I Æ.

Prima hæresis quæ de hac re orta est, docet nuptias esse illicitas, omnesque illos peccare dicunt, qui nuptiarum fœdera inter se jungunt. Hujus erroris primus auctor fuit Tatianus, à quo, ut supra diximus, Encratitæ originem sumpserit. Sed si vera sunt quæ catalogus hæreticorum de Heraclionitis refert, Heraclion illorum princeps erit primus hujus erroris inventor: quoniam Heraclion, qui discipulus fuit Valentini hæretici, venturior est quam Tatianus, qui fuit (ut alias diximus) discipulus Justini martyris. Verum ut ingenue fatear, parum fido in hac parte illis quæ catalogus refert, quia Augustinus in libro de hæresibus, capite decimo sexto de Heraclione loquens, nihil tale illi impingit, ut videlicet nuptias damnaverit. Et Philaster in suo libro de hæresibus hujus Heraclionis errores recensens, numquam hujus erroris meminit. Quapropter nisi aliud obtineat, ego crederem Tatianum fuisse hujus erroris primum auctorem, & ita solet communiter ab omnibus vocari hic error Encratitæ, quorum princeps fuit Tatianus. Verum beatus Hieronymus libro primo contra Jovinianum prope initium

libri, testatur hunc fuisse errorem Marcionis, ita dicens: *Neque vero nos Marcionis & Manichæi dogma sectantis nuptiis detrahimus. Hæc ille.* Et ideo juxta Hieron. sententiam oportet ut hujus erroris principatum tribuamus Marcioni, cum hic fecerit Tatiano venturior. Eundem errorem iurati sunt Adamiani, dicentes, quod si Adam non peccasset, nullæ fuissent future nuptiæ: quapropter illi Adam in paradiso imitari volentes, nuptias fugiunt. De fundamento cui isti Adamiani innituntur, non est opus nunc disputare, quia supra libro secundo, sub titulo de Adam & Eva, hæresi tertia, hoc fundamentum funditus everimus. In eodem errore fuerunt Aetiani, qui (ut Augustinus ex reatu aliorum refert) non admittunt ad communionem suam nudi continentes. De Priscillianitis refert Augustinus in libro de hæresibus, hoc conjugia separaverint, & quibus hoc persuadere poterant, cœminas à nolentibus viris, & viros à nolentibus sceminis disjungebant. Quare autem hoc fecerint, an quia nuptias damnaverint, aut forte quia praverint nuptiarum fœdera semel juncta posse ad alterius conjugii arbitrium rescindi, Augustinus non expressit. Hos hæreticos prævidens spiritu prophætico beatus Paulus, in prima ad Timotheum epistola cap. 4. sic de illis ait: *Spiritus autem manifeste dicit, quia in novissimis temporibus discedent quidam à fide, attendentes spiritibus erroris, & doctrinis dæmoniorum, in hypocriti loquentium mendacium, & cauteriatum habentium suam conscientiam, prohibentium nubere.* Encratitæ ergo & alii prohibentes nubere, juxta Pauli censuram sunt dicendi mendaces, attendentes spiritibus erroris & doctrinis dæmoniorum. Præterea, si nuptiæ fuissent illicitæ, Christus non decorasset illas sua præsentia (Joan. 2.) At cum nuptiis Christus interfuerit, & in illis primum omnium signorum fecerit, convincitur nuptias non esse illicitas. Rursum, si nuptiæ sunt malæ, oportebit fateri Deum esse malorum auctorem, quoniam Deus ipse est nuptiarum institutor, qui creatis primis hominibus, dixit: (Genes. 1.) *Crescite & multiplicamini, & replete terram.* Et ne hoc ad solum illum innocentiæ statum quis referre possit, Christus eandem nuptiarum institutionem probat, qui Phariseis quærentibus, an liceret dimittere uxorem propter aliquam causam, respondit, dicens: *Non legistis quia qui fecit hominem ab initio, masculum & feminam fecit eos, & dixit: Propter hoc erit homo pater & mater, & adheret uxori suæ, & erunt duo in carne una: itaque jam non sunt duo, sed una caro. Quod ergo Deus conjunxit, homo non separat. (Math. 19.)* Quid ergo impij hæretici separare tentant quod Deus conjunxit? Et Paulus in priore epistola ad Corinthios ait cap. 7. *His autem qui matrimonio juncti sunt præcipio, non ego, sed*

